

## МОЛИТВЫ РАЗНЫЕ

### ОГЛАВЛЕНИЕ

Молитва святого Ефрема Сирина	2
Молитва при вкушении просфоры и святой воды	2
Молитва перед вкушением пищи	2
Молитва после вкушения пищи	3
Призывание помощи Божией на всякое доброе дело	3
Благодарение за всякое благодеяние Божие	4
Песнь хвалебная святого Амвросия, епископа Медиоланского	5
О путешествующих	5
О болящих	6
О умножении любви, и искоренении ненависти и всякой злобы	7
О ненавидящих и обидящих нас	8
Во время бедствия, и при нападении врагов.	8
Молитва перед учением	9
Молитва перед учением отроков	10
Молитва после учения	10
Молитва от осквернения святого Василия Великого	10

## Молитва святого Ефрема Сирина

Господи и Владыко животá моего, дух прázдности, унѣния, любоначáлия и празднослóвия не даждь ми. *(Поклон великий.)*

Дух же целомудрия, смиренномудрия, терпѣния и любвѣ даруй ми, рабú Твоемú. *(Поклон великий.)*

Ей, Господи Царю, даруй ми зрѣти моя прегрешѣния, и не осуждати брата моего, яко благословѣн еси во вѣки веков. *Аминь.* *(Поклон великий.)*

*Затем 12 малых поклонов, с молитвой на каждый поклон:*

Бóже, очисти мя грѣшнаго.

*Затем всю молитву:*

Господи и Владыко животá моего, дух прázдности, унѣния, любоначáлия и празднослóвия не даждь ми. Дух же целомудрия, смиренномудрия, терпѣния и любвѣ даруй ми, рабú Твоемú. Ей, Господи Царю, даруй ми зрѣти моя прегрешѣния, и не осуждати брата моего, яко благословѣн еси во вѣки веков. *Аминь.* *(И один великий поклон в конце.)*

## Молитва при вкушении просфоры и святой воды

Господи Бóже мой, да бóдет дар Твой святѣй и святáя водá во оставлѣние грехов моих, в просвещѣние умá моего, во укреплѣние душѣвных и телѣсных моих сил, во здравие души и тѣла моего, в покорѣние страстѣй и нѣмощей моих, по беспредѣльному человеколóбию Твоемú, молѣтвами Пречѣстия Твоея Мáтере, и всех святѣх Твоих. *Аминь.*

## Молитва перед вкушением пищи

Отче наш, Иже еси на Небесѣх! Да святѣтся имя Твое, да придет Цáрствие Твое, да бóдет воля Твоя, яко на Небеси, и на землѣ. Хлеб наш насущный даждь нам днесь; и остави нам дóлги наша, якоже и мы оставляем должникóм нашим; и не введи нас во искушѣние, но избáви нас от лукаваго.

Богородице Дѣво, радуйся, Благодáтная Марѣе, Госпóдь с Тобóю; благословѣна Ты в женах, и благословѣн плод чрѣва Твоего, яко Спáса родила еси душ наших.

Слáва Отцú, и Сýну, и Святóму Дúху, и нýне и прѣсно, и во вѣки веков. *Аминь.*

Господи, помилуй. *(Трижды.)*

Молѣтвами святѣх отѣц наших, Господи Иисýсе Христѣ, Бóже наш, помилуй нас. *Аминь.*

Или, вместо «Отче наш...» и «Богородице Дево...»:

Очи всех на Тя, Господи, уповают, и Ты даеши им пищу во благовремени, отверзаеши Ты щедрую руку Твою, и исполняеши всякое животно благоволения.

Или:

Ядят убозии и насытятся, и восхвалят Господа взыскающие Его: жива будут сердца их в век века.

### Молитва после вкушения пищи

Благодарим Тя, Христэ Бже наш, яко насытил еси нас земных Твоих благ: не лиш нас и Небеснаго Твоего Царствия; но яко посреде учеников Твоих пришел еси, Спасе, мир дай им, прииди к нам и спаси нас.

Достойно есть яко воистинну блажити Тя Богородицу, Присноблаженную, и Пренепорочную, и Матерь Бога нашего. Честнейшую Херувим, и славнейшую без сравнения Серафим, без истления Бога Слова рождшую, сущую Богородицу Тя величаем. \*

Слава Отцу, и Сыну, и Святому Духу, и ныне и присно, и во веки веков. Аминь.

Господи, помилуй. *(Трижды.)*

Молитвами святых отец наших, Господи Иисусе Христэ, Бже наш, помилуй нас. Аминь.

### Призывание помощи Божией на всякое доброе дело

Царю Небесный, Утешителю, Духе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

---

\* От Пасхи до Вознесения вместо этой молитвы читается заდостойник Пасхи, т. е. припев и ирмос 9-й песни пасхального канона:

Ангел вопияше Благодатней: Чистая Дево, радуйся! И паки реку: радуйся! Твой Сын воскресе тридневен от гроба, и мертвые воздвигнувый; людие, веселитесь!

Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

*В поспразднство дванадесятих праздников читаются их задостойники.*

## Тропарь, глас 2-й

Творче и Создателю всяческих, Боже, дела рук наших, к славе Твоей начинаемая, Твоим благословением спешно исправи, и нас от всякаго зла избави, яко един всесилен и Человеколюбец.

## Кондак, глас 6-й

Скорый в заступление и крепкий в помощь, предстани благодатию силы Твоея ныне, и благословив укрепь, и в совершение намерения благого дела рабов Твоих произведи: вся бо елика хощеши, яко всесильный Бог, творити можеш.

## Молитва

(читаемая одним человеком):

Господи Иисусе Христе, Сыне Единородный Безначальнаго Твоего Отца, Ты рекл еси пречистыми усты Твоими: яко без Мене не можете творити ничесоже. Господи мой, Господи, верою объемь в души моей и сердце Тобою реченная, припадаю Твоей благодати: помози ми грешному сие дело, мною начинаемо, о Тебе самом совершити, во имя Отца, и Сына, и Святаго Духа. **Аминь.**

(читаемая несколькими людьми):

Господи Иисусе Христе, Сыне Единородный Безначальнаго Твоего Отца, Ты рекл еси пречистыми усты Твоими: яко без Мене не можете творити ничесоже. Господи наш, Господи, верою объемше в душах наших и сердцах Тобою реченная, припадаем Твоей благодати: помози нам грешным сие дело, нами начинаемо, о Тебе самом совершити, во имя Отца, и Сына, и Святаго Духа. **Аминь.**

## Благодарение за всякое благодеяние Божие

## Тропарь, глас 4-й

Благодарни суще недостойнии рабы Твои, Господи, о Твоих великих благодеяниях, на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

## Кондак, глас 3-й

Твоих благодеяний и даров туне, яко рабы непотребнии сподобльшися, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

Слава Отцѹ, и Сыну, и Святому Духу, и ныне и присно, и во веки веков. Аминь.

### Богородичен

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, едина вскоре предстательствующая.

### Песнь хвалебная святого Амвросия, епископа Медиоланского

Тебе Бога хвалим, / Тебе Господа исповедуем, / Тебе превечнаго Отца вся земля величает; / Тебе вси Ангели, / Тебе Небеса и вся Силы, / Тебе Херувими и Серафими непрестанными гласы взывают: / Свят, Свят, Свят Господь Бог Саваоф, / полна суть Небеса и земля величества славы Твоея. / Тебе преславный апостольский лик, / Тебе пророческое хвалёбное число, / Тебе хвалит пресветлое мученическое воинство; / Тебе по всей вселенной исповедует Свята́я Цѣрковь: / Отца непостижимаго величества, / поклоняемаго Твоего истиннаго и Единороднаго Сына, / и Святаго Утешителя Духа. / Ты Царю славы, Христе, / Ты Отца присносущный Сын еси; / Ты ко избавлению прие́мля человека, / не возгну́шался еси Деви́ческаго чрева; / Ты одолев смерти жало, / отверзл еси верующим Царство Небесное; / Ты одесную Бога седиши во славе Отчей, / Судия приити веришися. / Тебе́ убо́ про́сим: / помози́ рабѡм Твоѡм, / ихже́ честною́ Кро́вию искупѡл еси́, / сподѡби со святы́ми Твоѡми в вѣчной сла́ве Твоеѡй ца́рствовать. / Спаси́ лю́ди Твоѡ, Господи, / и благослови́ достоя́ние Твое́, / исправи́ я, и вознеси́ их во ве́ки. / Во вся дни́ благослови́м Тебе́, / и восхва́лим и́мя Твое́ во век, и в век ве́ка. / Сподѡби, Господи, в день сей без греха́ сохранѡться нам. / Помѡлуй нас, Господи, помѡлуй нас; / бу́ди ми́лость Твоѡя, Господи, на нас, / яко́же упова́хом на Тя; / на Тя, Господи, упова́хом, // да не постыди́мся во ве́ки. Аминь.

### О путешествующих

#### Тропарь, глас 2-й

Путь и Истина сый, Христе, спутника Ангела Твоего рабѡм Твоѡм (*или: рабу́ Твоему́, рабе́ Твоеѡй*) ныне, яко́же Твоѡи иногда́, послѡ сохраняюща, и невредѡмых (*или: невредѡма, невредѡму*), к сла́ве Твоеѡй, от всякаго зла во всяком благополучии соблюдающа, молитвами Богородицы, е́дине Человеколю́бче.

## Кондак, глас 2-й

Луце и Клеопе во Еммаус спутешествовавый, Спасе, спешествуй и ныне рабом Твоим (*или: рабу Твоему, рабе Твоей*), путешествовати хотящим (*или: хотящему, хотящей*), от всякаго избавляя их (*или: его, ю*) злаго обстояния: вся бо Ты яко Человеколюбец, можеша хотяй.

## Молитва

Господи Иисусе Христе, Боже наш, истинный и живый путь, состранствовати мнѣ Твоему отцу Иосифу и Пречистой Ти Деве Матери во Египет изволивый, и Луце и Клеопе во Еммаус спутешествовавый: и ныне смиренно молим Тя, Владыко Пресвятый, и рабом Твоим сим (*или: рабу Твоему сему, рабе Твоей сей*), (*имена*), Твоею благодатию спутешествуй. И якоже рабу Твоему Товии, Ангела хранителя и наставника послѣ, сохраняюща и избавляюща их (*или: его, ю*) от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождая, и паки цело и безмятежно возвращающа; и даждь им (*или: ему, ей*) все благое свое намерение ко благоугождению Твоему благополучно в славу Твою исполнити. Твое бо есть, еже милovati и спасати нас, и Тебе славу возсылаем, со Безначальным Твоим Отцем, и со Пресвятым, и Благим, и Животворящим Твоим Духом, ныне и присно, и во веки веков. **Аминь.**

## О болящих

## Тропарь, глас 4-й

Скорый в заступлении един сый, Христе, скорое свыше покажи посещение страждущим рабом Твоим (*или: страждущему рабу Твоему, страждущей рабе Твоей*), и избави от недуг и горьких болезней, и воздвигни во еже пети Тя и славити непрестанно, молитвами Богородицы, едине Человеколюбче.

## Кондак, глас 2-й

На одре болезни лежащих (*или: лежащаго, лежащую*), и смертною раною уязвленных (*или: уязвленнаго, уязвленную*), якоже иногда воздвиг еси, Спасе, Петрову тещу, и ослабленнаго на одре носимаго: сице и ныне, Милосерде, страждущих (*или: страждущаго, страждущую*) посети и исцели: Ты бо един еси недуги и болезни рода нашего понесый, и вся могый яко Многомилостив.

## Молитва

Владыко Вседержителю, Святыи Царю, наказуйи и не умерщвляйи, утверждайи низпадающия, и возводяйи низверженныя, телесныя человеков скорби исправляйи, молимся Тебе, Боже наш, рабов Твоих (*или: раба Твоего, рабу Твою*), (*имена*), немощствующих (*или: немощствующа, немощствующу*) посети милостию Твоею, прости им (*или: ему, ей*) всякое согрешение вольное и невольное. Ей, Господи, врачebную Твою силу с Небес низпосли, прикоснися телеси, угаси огневицу, укроти страсть и всякую немощь таящуюся; буди врач рабов Твоих (*или: раба Твоего, рабы Твоея*), (*имена*), воздвигни их (*или: его, ю*) от одра болезненного и от ложа озлобления целых и всесовершенных (*или: цела и всесовершенна, целу и всесовершенну*), даруй их (*или: его, ю*) Церкви Твоей благоугождающих и творящих (*или: благоугождающа и творяща, благоугождающу и творящу*) волю Твою. Твое бо есть, еже милovati и спасати ны, Боже наш, и Тебе славу возсылаем, Отцу, и Сыну, и Святому Духу, ныне и присно, и во веки веков. **Аминь.**

**О умножении любви,  
и искоренении ненависти и всякой злобы**

## Тропарь, глас 4-й

Союзом любве апостолы Твоя связавый, Христэ, и нас, Твоих верных рабов, к Себе тем крепко связав, творити заповеди Твоя, и друг друга любити нелицемерно сотвори, молитвами Богородицы, еди́не Человеколюбче.

## Кондак, глас 5-й

Пламенем любве распали к Тебе сердца наша, Христэ Боже, да тою разжигаемы, сердцем, мыслию же и душею, и всею крепостию нашею возлюбим Тя, и искреняго своего яко себе, и повеления Твоя храняще славим Тя, всех благ Дателя.

## О ненавидящих и обидящих нас

Тропарь, глас 4-й

О распённых Тя моли́вайся, любоду́шне Го́споди, и рабо́м Твои́м о вразе́х моли́тися повеле́вый, ненави́дящих и оби́дящих нас прости́, и от вся́каго зла и лука́вства к братолю́бному и добродéтельному наста́ви жи́тельству, смире́нно молю́ Тебе́ прино́сим; да в согла́сном единомы́слии сла́вим Тя, еди́наго Человеколю́бца.

Кондак, глас 5-й

Я́коже перво́мученик Твой Стефа́н о убива́ющих его́ моля́ше Тя, Го́споди, и мы припа́дающе мо́лим: ненави́дящих всех и оби́дящих нас прости́, во е́же ни еди́ному от них нас ра́ди поги́бнути, но всем спасти́ся благода́тию Твое́ю, Бо́же всеще́дрый.

## Во время бедствия, и при нападении врагов.

Тропарь, глас 4-й

Ско́ро предва́ри, прэ́жде да́же не порабо́тимся враго́м, ху́лящим Тя и претя́щим нам, Христе́ Бо́же наш; погуби́ Кресто́м Твои́м борю́щия нас, да уразуме́ют, ка́ко мо́жет правосла́вных ве́ра, моли́твами Богоро́дицы, еди́не Человеколю́бче.

Кондак, глас 8-й

Возбра́нный Воево́до и Го́споди, а́да Победите́лю, я́ко изба́влься от ве́чныя сме́рти, похва́льная воспису́ю Ти, создáние и раб Твой; но я́ко имéяй милосе́рдие неизрече́нное, от вся́ких мя бед свободи́, зову́ща: Иису́се, Сы́не Бо́жий, помилуй мя.

Молитва Кресту

Да воскре́снет Бог, и расточáтся врази́ Его́, и да бежа́т от лица́ Его́ ненави́дящии Его́. Я́ко исчеза́ет дым, да исче́знут; я́ко та́ет воск от лица́ огня́, та́ко да поги́бнут бе́сы от лица́ любя́щих Бо́га, и зна́менующихся крестным зна́мением, и в весе́лии глаго́лющих: ра́дуйся, Пречестный́ и Животворя́щий Кресте́ Господень, прогоня́яй бе́сы си́лою на тебе́ пропя́таго Го́спода на́шего Иису́са Христа́, во ад сше́дшаго, и попра́вшаго си́лу диáволю, и дарова́вшаго нам тебе́, Крест Свой Честный́, на прогна́ние вся́каго супоста́та. О Пречестный́ и Животворя́щий Кресте́ Господень! Помога́й ми со Свято́ю Госпоже́ю Де́вою Богоро́дицею, и со все́ми святы́ми во ве́ки. Ами́нь.



## Псалом 90

**Живый** в помощи Вышняго, в крове Бога Небеснаго водворится. Речёт Господеви: Заступник мой еси, и Прибежище моё, Бог мой, и уповаю на Него. Яко Той избавит тя от сети ловчи, и от словесе мятежна; плещма Своима осенит тя, и под криле Его надеешься. Оружием обидет тя истина Его: не убоишия от страха ночнаго, от стрелы летящия во дни, от вещи во тьме преходящия, от сряца, и беса полуденнаго. Падёт от страны твоея тысяща, и тьма одесную тебе, к тебе же не приблизится: обаче очима твоима смотриши, и воздаяние грешников узриши. Яко Ты, Господи, упование моё; Вышняго положил еси прибежище твоё. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих: на руках возмут тя, да не когда преткнётся о камень ногу твою; на аспида и василиска наступиши, и попереши льва и змия. Яко на Мя уповаю, и избавлю и; покрью и, яко позна имя Моё. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Моё.

## Молитва перед учением

Бóже, Бóже наш, Иже образом Твоим почтии нас человеки, и самовластно одеявый волю; во храм вшедый преполовившуся празднику и учивый люди, чудящимся народом и глаголющим: откуда Сей весть писания не научився? Давид же: «Приидите, чада, просветитесь, — глаголет, — послушайте мене, страху Господню научу вас» \*. Иже Соломона премудрости научивый, Бóже всех, Слове Всецарю, отверзи душу и сердце, уста и ум раба Твоего, **(имя)**, во еже разумети, и прияти, и творити волю Твою; и избави его от всякаго искушения диавольскаго, соблюдая его вся дни живота его, и да преспеваяй будет во всех заповедех Твоих вину, молитвами Пречистой Твоей Матере, и всех святых Твоих: яко Ты еси Посетитель душ и телес наших, Христэ Бóже наш, и Тебе славу возсылаем, со Отцем, и Пресвятым Духом, ныне и присно, и во веки веков. **Аминь**.

---

\* Пс. 33:6,12.

### Молитва перед учением отроков

Преблагий Господи, низпосли нам благодать Духа Твоего Святаго, дарствующаго и укрепляющаго душевныя наша силы, дабы внимающе преподаваемому нам учению, возрасли мы Тебе, нашему Создателю, во славу, родителем же нашим на утешение, Церкви и Отечеству на пользу.

### Молитва после учения

Благодарим Тебе, Создателю, яко сподобил еси нас благодати Твоея, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

### Молитва от осквернения святого Василия Великого

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со иными всеми беззаконии моими, и яви мя нескверна, Владыко, за благодать Христа Твоего, и освяти мя нашествием Пресвятаго Твоего Духа: яко да возбнув от мглы нечистых привидений диавольских, и всякия скверны, сподоблюся чистою совестью отверсти скверная моя и нечистая уста, и воспевати всесвятое имя Твое, Отца, и Сына, и Святаго Духа, ныне и присно, и во веки веков. Аминь.